

〔續日本紀八元正〕養老三年五月癸卯、從八位上中臣習宜連笠麻呂等四人、從六位上中臣熊凝連古麻呂等七人、從八位下榎井連持麻呂、並賜朝臣姓。

〔續日本紀二十七稱德〕天平神護二年三月乙酉、左京人正五位下中臣九連張弓等二十六人、賜姓朝臣。

〔續日本紀二十七稱德〕天平神護二年八月庚戌、左京人從五位上桑內連乙虫女等三人、賜姓桑內朝臣。

〔續日本紀二十七稱德〕天平神護二年十二月癸卯、外從五位下中臣伊勢連大津、賜姓伊勢朝臣。

〔續日本紀二十九稱德〕神護景雲二年九月乙未、左京人正七位上御使連清足、御使連清成、御使連田公等

十八人、賜姓朝臣。

〔續日本紀四十桓武〕延曆九年七月辛巳、左中辨正五位上兼木工頭百濟王仁貞、治部少輔從五位下百濟

王元信、中衛少將從五位下百濟王忠信、圖書頭從五位上兼東宮學士左兵衛佐伊豫守津連眞道等

上表言眞道等本系、出自百濟國貴須王、貴須王者、百濟始興第十六世王也、夫百濟太祖都慕大王者、

日神降靈、奄扶餘而開國、天帝授籙、總諸韓而稱王、降及近肖古王、遙慕聖化、始聘貴國、是則神功皇后

攝政之年也、其後輕島豐明朝御宇、應神天皇、命上毛野氏遠祖荒田別使、於百濟、搜聘有識者、國主貴

須王、恭奉使旨、擇探宗族、遣其孫辰孫王、一名智宗王隨使入朝、天皇嘉焉、特加寵命、以爲皇太子之師矣、於

是始傳書籍、大闡儒風、文教之興、誠在於此、難波高津朝御宇、仁德天皇、以辰孫王長子太阿郎王爲近

侍、太阿郎王子亥陽君、亥陽君子午定君、午定君生三男、長子味沙、仲子辰爾、季子麻呂、從此而別、始爲

三姓、各因所職、以命氏焉、葛井、船、津連等、卽是也、逮于他田朝御宇、敏達天皇御世、高麗國遣使、上鳥羽

之表、群臣諸史、莫之能讀、而辰爾進取其表、能讀功、寫詳奏表文、天皇嘉其篤學、深加賞歎、詔曰、勤乎懿

哉、汝若不愛學、誰能解讀、宜從今始、近侍殿中、旣而又詔東西諸史曰、汝等雖衆、不及辰爾、斯並國史家

牒、詳載其事矣、伏惟皇朝、則天布化、稽古垂風、弘澤浹乎群方、叙政覃於品彙、故能修廢繼絕、萬姓仰而

賴慶、正名辨物、四海歸得宜、凡有懷生、莫不抃躍、眞道等先祖、委質聖朝、年代深遠、家傳文雅之業、族掌